

人物志二十九

湖北通志卷一百五十一

文學傳一目錄

宋玉以上周

黃香

劉珍

王逸子延壽

謝該

李昺以上漢

孟嘉弟陋

習鑿齒子辟疆以上晉

嚴植之

柳惔子昭

柳惔子偃

張纘弟綰

庾於陵弟肩吾

劉之遴子三達

韋稜弟黯

朱詹

丁覲

王臺卿以上梁

陰鏗以上陳

宗懷

庾信以上北周

柳謦

庾季才子質以上隋

劉孝孫

蔡允恭

李善子邕

杜易簡

杜審言子閑

鮑防

柳識

志百五十一

人物二十九 目錄

一

孟浩然

綦母潛

岑參

張繼

戎昱

繁知一

皮日休子光業

崔道融以上唐

朱昂弟協

孫何弟僅

崔遵度

夏侯嘉正

張友正

張嶠

米芾子友仁

朱震弟兌

王質

張景

張君房

張諤

令狐揆

史驤

鄭猶朱元瑜

王得臣弟鄰臣

唐旣

胡旦

張璠

潘鯁弟丙

廖正一

何頡之

孫賁

夏倪

高荷

石潒

曾紘子思

吳必大

李義山

萬禎

張丰應

孫偉

子蒙正以上宋

趙復

子卿月

暢師文

硯彌堅

子禹功謨

禹

宣昭

魯璠

宋愿

邱堂

何維

汪存禮等

何槐孫

黃溥

李鵬翔

金希說

弟希舜以上元

張誠

盧文政

劉績

馮世雍

任家相

賀時泰

朱華圉

周炳靈

劉敷仁

張鍾靈

周時舉

談必泰

程立中

李承芳

李承箕

葉相

鄧林

李德庸

廖道南

魏裳

子樸如

汪必東

志百五十一

人物二十九 目錄

二

吳國倫

徐汝化

朱伯驥

朱寵

張緒

尹賓商

劉伯生

劉紹卹

唐希皋

黃文旦

程學顏

方一鳳

胡天起

童承敘

陳柏

子文燮

陳文燭

子汝璧

王廷陳

王同軌

從孫一鳴

吳良吉

易爲鼎

蔡曰涇

朱期至

黃正色

子祥遠

金甌

劉承烈

周思久

劉侗

耿定向

耿定理

弟定力

胡明庶

弟明通

明

顧問

顧闕

子大訓孫天錫

袁素亮

劉養微

寇學海大鼇

楊

吳自守

吳亮思

瞿九思

子甲

罕

高鼎

萬言

楊汝榮

楊繼芳

萬之奇

何遷

萬中台

華清

余裕

子胤緒

陳善變

陳輿 邦寶

輿子

陳士元

子階

顏木

李維楨

王格

子宗彥

高岱

弟啓

郝敬

子宏範

魯鐸

鍾惺

弟恮 快

譚元春

弟元聲等

邵濟

周夢陽

柳向陽

黃黠

兄照

胡永仁

胡謁聖等

周法

雷叔聞

歐陽明

袁弘道

兄宗道 弟中道

呂校

劉珠

韓守益

王紘

秦維正

李先芳

雷思霈

劉戡之

以上明

志百五十一

人物二十九 目錄

三

人物志二十九

湖北通志卷一百五十一

文學傳一

周

宋玉楚之鄢人

案鄢地今屬宜城縣南有宋玉宅玉邑人

屈原弟子也因其友

以見於楚襄王王問曰先生其有遺行耶何士民不譽之甚也玉曰烏有鳳魚有鯢士亦有之聖人瑰意奇行超然獨處世俗之民安能知臣之所爲哉玉祖屈原之從容辭令終莫敢直諫作九辯招魂辯者變也陳道德以變說君也招魂者哀屈原愁懣山澤厥命將落外陳四方之惡內崇楚國之美以風諫懷王冀其悟而還之有賦十六篇

一統志

新序

史記屈原傳

王逸楚辭注

漢書藝文志

案輿地紀勝於襄陽府歸州古迹

人物皆載有宋玉襄陽下則注宜城人歸州下則不復注其歸州之宅則玉本屈原弟子依其師而居事之所有不足疑也

漢

志百五十一

人物二十九 文學傳

一

黃香字文疆江夏安陸人九歲失母思慕憔悴鄉人稱其至孝年十二太守劉護召署門下孝子甚見愛敬父况爲郡五官掾貧無奴僕香躬勤左右盡心供養暑則扇牀枕寒以身溫席博學經典精究道術能文章京師號曰天下無雙江夏黃童初除郎中肅宗詔香詣東觀讀所未見書以父老告休後召拜尙書郎賜其父臥几靈壽杖香數陳政事得失嘗獨止宿臺上晝夜不離省闈帝聞善之永元四年拜左丞累遷尙書令尋爲東郡太守香上疏讓和帝亦惜香幹用久習舊事復畱爲尙書令是後遂管樞機甚見親重香祇勤物務憂公如家十二年東平清河奏妖言卿仲遠等所連及且千人香科別據奏全活甚眾每郡國疑罪務求輕科愛惜人命每存憂濟又曉習邊事均量軍政皆得事宜帝知其精勤數加恩賚延光元年遷魏郡太守俗太守將交代添設儲峙輒數平

萬香未到界移敕悉出所設什器郡舊有內外園田常與人分種收穀歲數千斛香悉以賦人時被水年饑乃分祿賞班贍貧者於是富家各出義穀助官荒民獲全後坐水潦免卒於家子瓊自有傳

後漢書文苑傳略參東觀記及謝承書

劉珍字秋孫案秋一作祕一名寶南陽蔡陽人今東陽少好學永初中爲

謁者僕射鄧太后詔使與校書劉駒駘馬融及五經博士校定東觀五經諸子傳記百家整齊脫誤是正文字永寧元年又詔珍與駒駘作建武以來名臣傳遷侍中越騎校尉延光四年拜宗正明年轉衛尉卒官著誄頌連珠凡七篇又著釋名三十篇以辯萬物之稱號云

後漢書文苑傳

王逸字叔師南郡宜城人元初中舉上計吏爲校書郎順帝時爲侍中逸博學多覽自謂與屈原同土共國悼傷之於是作頌一篇

志百五十一

人物二十九 文學傳

二

號曰九思以繫離騷九章之後又著楚辭章句行於世其賦誄書論及雜文凡二十一篇漢詩一百二十三篇子延壽字文考一字子山有雋才與逸到泰山從鮑子真學算到魯逸欲作靈光殿賦命延壽往圖其狀延壽因賦之以獻逸曰吾無以加也蔡邕亦有此作十年未成見延壽所爲甚奇之遂輟翰延壽常有異夢意惡之乃作夢賦以自厲後溺湘水死年二十一

後漢書文苑傳略參楚辭章句博物志水

經注李善文選注

謝該字文儀南陽章陵人今東陽善明春秋左氏爲世名儒門徒數

百千人建安中河東人樂詳條左氏疑滯數十事以問該皆爲通解之名爲謝氏釋行於世仕爲公車司馬令以父母老託疾去官欲歸鄉里會荊州道斷不得去少府孔融上書薦之徵還拜議郎以壽終

後漢書儒林傳

李昂字子然鄧人

今穀城光化境

習魯詩京氏易篤行好學不羨榮祿室

家相待如賓州郡前後禮請不應舉茂才除召陵令不到官公車

徵不行卒

後漢書樊英傳注引謝承書

晉

孟嘉字萬年江夏鄆人也曾祖父宗仕吳葬武昌陽新縣子孫家

焉遂爲縣人

今興國大治通山境

嘉冲默有遠量弱冠名流京邑大尉庾亮

鎮武昌并領江州辟爲廬陵從事下郡還亮問風俗得失嘉對不

知亮語弟翼曰孟嘉故是盛德人更版爲勸學從事亮大會州府

人士多時彥嘉坐次遠豫章太守褚裒有器識問嘉何在亮曰在

坐君但自覓裒歷觀指嘉謂曰得無是耶亮欣然而笑益器焉舉

秀才爲庾翼府功曹再爲江州別駕巴丘令後爲大將軍桓溫參

軍溫甚重之九日遊龍山參佐畢集風吹嘉帽墮落溫目左右及

志百五十一

人物二十九 文學傳

三

賓客勿言觀其舉止嘉初不自覺良久命取以還使孫盛爲文嘲

之嘉見請筆作答了不容思文辭超卓四座嗟歎轉從事中郎遷

長史以疾終於家年五十一嘉弟陋字少孤清操絕倫布衣蔬食

以文籍自娛口不及世事喪母毀瘠殆於滅性不飲酒食肉十有

餘年親族謂之曰毀性無嗣更爲不孝陋感其言然後從吉簡文

帝輔政命爲參軍稱疾不起桓溫躬往造焉或曰陋學爲儒宗宜

引在府溫歎曰會稽王尙不能屈非敢擬議也陋博學多通長於

三禮注論語行於世

陶淵明集書本取淵明集

晉書桓溫傳又隱逸傳案晉

鄂人其爲誤刊顯然淵明敘嘉占籍之由至爲明晰世說新語注以陋爲陽新人更屬確證晉書陋傳云武昌人猶未爲得也

習鑿齒字彥威襄陽人宗族富盛世爲鄉豪鑿齒少有志氣博學

洽聞以文筆著稱荊州刺史桓溫辟爲從事轉西曹主簿累遷別

駕出爲滎陽太守後以腳疾里居襄陽陷爲苻堅所得俄以疾歸

襄鄧反正朝廷欲徵典國史會卒初桓溫覬覦非望鑿齒在郡著漢晉春秋以裁正之起漢光武終晉愍帝於三國以蜀宗室爲正魏雖受漢禪晉尙爲篡逆至文帝平蜀乃爲漢亡晉興明天心不可以智力強用以諷溫臨終謂晉宜越魏繼漢不應以魏後爲三恪上疏論之子辟疆才學有父風位至驃騎從事中郎

晉書文苑傳

梁

嚴植之字孝源建平秭歸人少善莊老能清言精解喪服孝經論語及長徧習鄭氏禮周易毛詩左氏春秋性醇孝謹厚不以所長高人少遭父憂因菜食二十三載後得風冷疾乃止仕齊爲廬陵王國侍郎遷廣漢王國右常侍後爲康樂侯相在縣清白民吏稱之梁高祖詔求通儒治五禮有司奏植之治凶禮天監四年置五經博士各開館教授以植之兼五經博士館在潮溝生徒常百數

志百五十一

人物二十九 文學傳

四

植之講五館生必至聽者千餘人遷中撫軍記室參軍猶兼博士卒年五十二植之仁慈好陰德雖在閭室未嘗怠撰凶禮儀注四百七十九卷

梁書儒林傳

柳惔字文通先世河東人徙居襄陽父世隆自有傳惔好學工製文曉音律少與兄悅齊名王儉謂人曰柳氏二龍可謂一日千里嘗預齊武烽火樓宴帝善其詩謂豫章王嶷曰惔非徒風韻清爽亦屬文適麗後爲巴東王子響友子響爲荊州惔從之鎮子響昵近小人惔知有禍稱疾還都及難作以免累遷新安太守建武末爲梁南秦二州刺史梁武起兵惔以漢中應梁武受命爲太子詹事加散騎常侍尋遷尙書左僕射湘州刺史卒年六十四

梁書作諡四十六

曰穆子昭

一作照

襲爵曲江侯

南史

柳惔字文暢惔弟少有志行好學善尺牘與陳郡謝瀹鄰居深見

友愛瀾曰宅南柳郎可爲儀表善琴得戴安道法特窮其妙齊竟陵王子良聞之引爲法曹參軍累遷太子洗馬試守鄱陽相除驃騎從事中郎梁武帝至建業以爲司馬上牋請城平之日先收圖籍遵漢高寬大之義帝從之天監元年除長史兼侍中與沈約等共訂新律惲立性貞素以貴公子早有令名嘗爲詩云亭皋木葉下隴首秋雲飛琅琊王融見而嗟賞武帝宴羣臣必詔惲賦詩和帝登景陽樓篇云太液滄波起長陽高樹秋翠華承漢遠雕輦逐風游帝甚美之當時咸共稱傳歷平越中郎將廣州刺史祕書監右衛將軍再爲吳興太守爲政清靜人吏懷之於郡感疾自陳解任父老千餘人拜表陳請事未施行卒少子偃字彥游年十二梁武帝引見問讀何書對曰尙書又問其何美句對曰德惟善政政在養民眾咸異之詔尙武帝女長平公主拜駙馬都尉位鄱陽內

史卒

南史

張纘字伯緒襄陽人弘策次子

弘策見列傳

好學兄緬有書萬餘卷晝

夜披讀殆不輟手起家祕書郎宋齊以來居職者例不數十日便遷任纘固求不徙欲徧觀閣內書籍常執四部書目曰若讀此畢可言優仕矣三載方遷太子舍人轉洗馬中舍人並掌管記累遷尙書吏部郎長兼侍中大通中爲吳興太守省煩苛務清靜人吏便之大同二年徵爲吏部尙書議南郊御乘素輦又印綬官若備朝服宜並著綬時並施行改湘州刺史在政四年流人自歸戶口增十餘萬州境大寧太清二年徙授領軍俄改雍州刺史後爲岳陽王詵所殺纘弟綰字季卿少與兄纘齊名湘東王繹嘗策之百事綰對關其六號爲百六公位員外散騎常侍宣城王長史遷御史中丞出爲豫章內史復爲御史中丞綰再爲憲司彈糾無所回

避豪右憚之太清三年爲吏部尚書宮城陷奔江陵元帝承制位
尚書右僕射魏克江陵朝士皆俘入關綰以疾免卒於江陵

南史

庾於陵字子介江陵人父易孝義有傳於陵七歲能言玄理旣長
清警博學有才思齊隨王子隆鎮荊州召爲主簿與謝朓宗夬抄
撰羣書後子隆爲明帝所害僚吏畏避莫至唯於陵與夬畱經喪
事始安王遙光爲撫軍引爲行參軍兼記室永元末除東陽遂安
令爲民吏所稱天監初爲建康獄平遷尚書工部郎待詔文德殿
拜太子洗馬俄遷散騎侍郎領荊州大中正後終鴻臚卿有文集
十卷弟肩吾字子慎八歲能賦詩特爲兄所友愛初爲晉安王常
侍歷王府中郎兼記室參軍中大通三年王爲皇太子兼東宮通
事舍人以本官領荊州大中正初太宗在藩雅好文章士時肩吾
與東海徐摛吳郡陸杲彭城劉遵劉孝儀儀弟孝威同被賞接及

志百五十一

人物二十九 文學傳

六

居東宮又開文德省置學士肩吾及子信兼充其選太宗卽位以
肩吾爲度支尚書侯景陷京師矯詔遣肩吾諭當陽公大心因逃
入建昌界久之還江陵卒文集行於世

梁書文苑傳

劉之遴字思貞其先南陽人父虬徙居江陵仕宋當陽令之遴八
歲能屬文十五舉茂才明經對策沈約任昉見而異之起家甯朔
主簿吏部尚書王瞻嘗候昉值之遴在坐昉曰此南陽劉之遴學
優未仕瞻卽辟爲太學博士時張稷新除僕射託昉爲讓表昉令
之遴代作操筆立成昉曰荆南秀氣果有異才御史中丞樂藹卽
之遴舅憲臺彈奏皆令之遴草焉遷平南參軍尚書郎延陵令荆
州治中仍遷宣惠記室除通直散騎侍郎兼中書通事舍人遷正
員郎尚書右丞荊州大中正累遷中書侍郎鴻臚卿復兼中書舍
人出爲鄱陽王長史南郡太守高祖詔曰卿母年德並高故令卿

衣錦還鄉以盡榮養母憂服闋徵祕書監領步兵校尉出爲郢州
行事尋免久之爲太府卿都官尙書太常卿之遴好古愛奇在荆
州聚古器數十百種好屬文多學古體與裴子野劉顯常其討論
書籍時周易尙書禮記毛詩並有高祖義疏惟左氏傳尙缺之遴
乃著春秋大意十科左氏十科三傳同異十科合三十事以上之
高祖大悅太清二年侯景之亂避難還鄉未至卒於夏口年七十
二有文集五十卷子三達字三善數歲能屬文湘東王繹聞之集
賓客召而試之說義屬詩皆有理致年十二聽江陵令賀革講禮
還仍覆述不遺一句年十八卒

梁書文學
傳參南史

韋棱字威直江陵人護軍叡第三子性恬素以書史爲業博物彊
記當世士咸就質疑位終光祿卿著漢書續訓三卷弟黯字務直
性彊正少習經史位太府卿侯景濟江黯都督城西諸軍晝夜苦

志百五十一

人物二十九 文學傳

七

戰以功授輕車將軍卒於城內

南史韋
叡傳

朱詹義陽人世居江陵好學家貧無資累日不爨乃時吞紙以實
腹寒無氈被抱犬而臥猶不廢業卒成學士官至鎮南錄事爲孝

元所禮

顏氏
家訓

丁覲荊州之洪亭人善屬文工草隸梁孝元帝在荊州時書記一
皆使之軍府多未之重帝遣典籤惠編送文章示蕭祭酒祭酒問
君王比賜書翰及寫詩筆殊爲佳手姓名爲誰編以實告子雲歎
曰此人後生無比遂不爲世所稱亦是奇事於是聞者稍復刮目
仕至尙書儀曹郎晉安王侍讀隨王東下及西臺陷沒丁亦尋卒
於揚州前所輕者後求一紙不可得

顏氏
家訓

王臺卿襄陽人與江仲舉蔡遵庾仲容俱爲齊南平王世子恪賓
客寵被接遇入梁詩多與簡文唱和

楚風補
案初學記
有王臺卿詠詩

陳

陰鏗字子堅南平人父子春有傳鏗尤善五言詩被當時所重爲梁湘東王法曹參軍初鏗嘗與賓友宴飲見行觴者因回酒炙以授之眾坐皆笑鏗曰吾儕終日酣酒而執爵者不知其味非人情也及侯景之亂鏗爲賊擒或救之獲免鏗問之乃前行觴者陳天嘉中爲始興王中錄事參軍文帝嘗宴羣臣賦詩召鏗預宴使賦新成安樂宮鏗援筆便就帝歎賞之累遷晉陵太守員外散騎常侍卒有文集三卷行於世

南史

北周

宗懌字元懌其先南陽人八世祖承永嘉之亂討陳敏有功封柴桑侯除宜都郡守卒官子孫因居江陵懌少好讀書晝夜不倦語輒引古事鄉里呼爲小兒學士梁普通六年舉秀才元帝鎮荊州

志百五十一

人物二十九 文學傳

八

謂長史劉之遴曰貴鄉多士爲舉一有意少年之遴以懌應命卽日引見令兼記室嘗夕被詔宿省使製龍川廟碑一夜便就元帝歎美之及移鎮江州以懌爲刑獄參軍兼掌書記歷汝寧建成廣晉三縣令母憂去職哭輒嘔血一旬之內絕而復蘇者三每有羣烏數千集於廬舍侯哭而來哭止而去時以爲孝感所致元帝再牧荊州以爲別駕江陵令及卽位擢尙書侍郎封信安縣侯累遷吏部尙書江陵陷與王褒等入關周太祖以懌名重南土甚禮之孝閔踐阼拜車騎大將軍世宗卽位與王褒等在麟趾殿刊定羣書保定中卒有集二十卷

北周書

庾信字子山肩吾子也

肩吾傳見前

幼而俊邁博覽羣書尤善春秋左

氏傳起家湘東國常侍轉參軍時肩吾爲梁太子中庶子東海徐摛爲左衛率摛子陵及信爲抄撰學士父子在東宮出入禁闈恩

禮莫比既有盛才文並綺豔世號徐庾體後進競相模範累遷度支郎中出爲郢州別駕尋兼通直散騎常侍聘於東魏文章詞令盛爲鄴下所稱還爲東宮學士領建康令侯景陷臺城信奔江陵元帝承制除御史中丞轉右衛將軍封武康縣侯聘於西魏因畱長安江陵平拜光祿大夫進車騎大將軍儀同三司周孝閔帝時封臨清子除司水下大夫出爲弘農郡守遷司憲中大夫進爵義城縣公俄拜洛州刺史爲政簡靜民吏安之時陳氏與周通好南北流寓之士各許還舊國陳氏乃請王褒及信等十數人武帝惜而不遣明武二帝雅好文學故信特蒙恩禮信雖位望通顯常有鄉關之思乃爲哀江南賦以致意大象初以疾去職隋開皇元年卒文集二十卷

北史文苑傳

隋

柳謦字顧言襄陽人梁侍中惔孫父暉都官尙書謦少聰敏解屬文好讀書所覽將萬卷仕梁爲著作佐郎蕭詧立以爲侍中領國子祭酒轉吏部尙書梁國廢入隋拜開府通直散騎常侍尋遷內史侍郎轉晉王諮議參軍王好文雅引才學士諸葛穎虞世南王胄朱瑒等百餘人以充學士而謦爲之冠仁壽初爲東宮學士加檢校洗馬甚見親待以其好內典令撰法華玄宗二十卷奏之太子覽而大悅賞賜優洽大業初拜祕書監封漢南縣公從幸揚州疾卒年六十九所撰晉王北伐記十五卷集十卷

隋書

庾季才字叔奕新野人八世祖沿隨晉元帝過江因家於南郡江陵祖詵梁處士父曼倩光祿卿季才幼穎悟通周易好占玄象居喪以孝聞始辟荊州主簿授外兵參軍元帝初累遷中書郎領太史令封宜昌縣伯嘗共元帝仰觀星象季才曰頃天象告變秦將

入郢陛下宜留重臣作鎮荆陝整旆還都以辟其患俄而江陵陷
竟如其言周太祖一見季才深加優禮令參掌太史武成中補麟
趾學士遷稍伯大夫車騎大將軍仍遷太史中大夫封臨穎伯詔
撰靈臺祕苑宣帝初加驃騎大將軍隋開皇元年授通直散騎常
侍進爵爲公令與其子質撰垂象地形等志書成奏之以年老頻
表去職給半祿歸第仁壽三年卒年八十八子質字行修少而明
敏早有志向開皇元年除奉朝請歷鄢陵令遷隴州司馬大業初
授太史令質操履貞慤立言忠鯁每有災異必指事面陳帝伐遼
東徵詣行在數進讜言十年幸東都質復切諫帝不悅質因稱疾
不從帝怒遣使鎖至東都死獄中子儉亦傳父業兼有學識仕歷
襄令元德太子學士義寧初爲太史令

隋書藝
術傳

唐

劉孝孫荊州人祖貞周石臺太守孝孫少知名大業末爲王世充
弟杞王辯行臺郎中辯降眾引去獨孝孫攀援號慟送於郊武德
初爲東虞州錄事參軍時太宗爲天策上將軍作文學館收聘賢
才下教以杜如晦房玄齡于志寧蘇世長薛收褚亮姚思廉陸德
明孔穎達李玄道李守素虞世南蔡允恭顏相時許敬宗薛元敬
蓋文達蘇勗並爲學士七年薛收卒召孝孫補之命閭立本圖象
褚亮爲之贊題名字爵里號十八學士天下慕向之謂之登瀛洲
貞觀六年遷著作佐郎吳王友歷諮議參軍遷太子洗馬未拜卒

唐書褚
亮傳

蔡允恭荊州江陵人後梁左民尚書大業子美姿容工爲詩仕隋
歷起居舍人煬帝有所賦必令諷誦遣教宮人允恭恥之數稱疾
授內史舍人俾入宮固辭由是疏斥入唐爲秦王府參軍文學館

學士貞觀初除太子洗馬卒著後梁春秋

唐書文藝傳

李善江夏人父元哲徙居廣陵善從江都曹憲受文選學淹貫古今人號書簏顯慶中累補太子內率府錄事參軍崇賢館直學士兼沛王侍讀上所爲文選注解六十卷賜絹百二十四匹詔藏祕閣除潞王府記室參軍轉祕書郎乾封中出爲涇城令坐與賀蘭敏之善配流姚州遇赦得還居汴鄭閒以教授爲業諸生四遠而至又撰漢書辨惑三十卷載初元年卒子邕字泰和少有名長安初以李嶠張廷珪薦拜右拾遺中宗立鄭普思以方技幸擢祕書監邕切諫不納以與張柬之善出爲南和令又貶富州司戶韋氏平召拜殿中侍御史彈劾任職人頗憚之改戶部員外郎俄貶舍城丞開元三年擢爲戶部郎中左遷括州司馬後徵爲陳州刺史玄宗封泰山還邕謁見汴州獻詞賦甚稱上旨邕素與張說不協會

志百五十一

人物二十九 文學傳

士

仇人告邕賊罪下獄當死貶遵化尉徙澧州司馬累轉括淄滑三州刺史天寶初爲汲郡北海二太守李林甫素忌邕傳以罪使人就郡杖殺之時年七十邕尤長碑頌雖貶職在外中朝衣冠及天下寺觀多齎持金帛往求其文前後所製凡數百首有文集七十

卷

舊唐書儒學文苑傳參用新書

按唐書宰相世系表云後漢會稽太守高陽侯就徙居江夏平春爲江夏李氏其後元哲徙

廣陵元哲生善善生邕平春今信陽州境非今湖北地魏李通晉李充去就世近皆當爲平春人則志不當錄入故皆不爲立傳永嘉之際士族南徙李氏或有居武昌者後世地志載有李善讀書臺在咸寧李北海宅在江夏必非無因且善遷揚未久姑從舊志

杜易簡襄州襄陽人周峽州刺史叔毗曾孫也九歲能屬文及長博學有高名姨兄中書令岑文本甚推重之登進士第累轉殿中侍御史咸亨中爲考功員外郎時吏部侍郎裴行儉李敬玄相與不叶易簡希行儉旨上封陳敬玄罪狀高宗惡其朋黨貶開州司馬易簡頗善著述有文集二十卷行於世

舊唐書

杜審言字必簡易簡從祖弟擢進士爲隰城尉恃才傲世嘗曰吾文章當得屈宋作衙官吾筆當得王羲之北面其矜誕類此累遷洛陽丞坐事貶吉州司戶參軍司馬周季重司戶高若訥構其罪繫獄將殺之季重等酒酣審言子并年十三襲刃刺季重於坐左右殺并季重將死曰審言有孝子吾不知若訥故誤我審言免官還東都後武后召授著作佐郎遷膳部員外郎神龍初坐交通張易之流峰州入爲國子監主簿修文館直學士卒審言少與李嶠崔融蘇味道爲文章四友世號崔李蘇杜病甚宋之問武平一省候何如答曰甚爲造化小兒相苦尙何言然吾在久壓公等今且死固大慰但恨不見替人云子閑終奉天令閑子甫字子美少貧不自振客吳越齊趙間李邕奇其材先往見之舉進士不中天寶十三載玄宗朝獻太清宮饗廟及郊甫奏賦三篇帝奇之使

待制集賢院除河西尉不拜改京兆府兵曹參軍安祿山陷京師肅宗徵兵靈武甫自京師亡走謁肅宗鳳翔拜右拾遺與房琯爲布衣交琯時敗陳濤斜罷相甫上疏言琯有才不宜罷帝怒召三司雜問以宰相張鎰言出爲華州司功參軍關輔饑輒棄官去客秦州負薪采橡栗自給流落劍南結廬成都西郭召補京兆功曹參軍不至會嚴武節度劍南東西川往依焉武再帥劍南表爲參謀檢校工部員外郎永泰元年武卒蜀亂甫往來梓夔間大曆中出瞿塘下江陵沂沅湘以登衡山因客耒陽元和中孫嗣業自耒陽遷甫柩歸葬偃師甫少與李白齊名時號李杜嘗從白及高適過汴州酒酣登吹臺慷慨懷古人莫測也數嘗寇亂挺節無所污爲歌詩傷時撓弱情不忌君人憐其忠云唐書文藝傳參用舊書鮑防字子慎襄州襄陽人少孤寔彊志於學善辭章及進士第唐

子傳云天寶十二歷署節度府僚屬入爲職方員外郎薛兼訓帥

年楊儼榜進士

太原被病代宗授防節度行軍司馬俄知畱後兼太原尹節度使人樂其治入爲御史大夫歷福建江西觀察使召拜左散騎常侍從德宗奉天進禮部侍郎封東海郡公貞元元年策賢良方正得穆質裴度柳公綽歸登崔邠韋純魏弘簡熊執易等世美防知人時比歲旱策問陰陽祲沴質對漢故事免三公卜式請烹弘羊指當時輔政者右司郎中獨孤恤欲下質防不許曰使上聞所未聞不亦善乎卒置質高第後爲京兆尹以工部尙書致仕卒年六十九諡曰宣防於詩尤工有所感發以譏切世敝當時稱之

唐書

柳識字方明襄陽人渾同母兄也

渾見列傳

工文章與蕭穎士元德秀

劉迅相上下而練理創端往往詣極雖趣尙非博當時作者伏其

簡拔歷官屯田郎中集賢殿學士著有琴會記

唐書柳渾傳

志百五十一

人物二十九 文學傳

三

孟浩然字浩然襄州襄陽人少好節義喜振人患難隱鹿門山以詩自適年四十乃游京師應進士不第張九齡鎮荊州署爲從事與之唱和不達而卒

唐書參用舊書

綦毋潛字季通荆南人開元十四年登進士第爲詩峻峭善寫物

情由宜壽縣尉入爲集賢待制遷右拾遺終著作郎

姓譜全唐詩小傳

岑參江陵人中書令文本曾孫少孤貧篤學登天寶三載進士第

由率府參軍改大理評事兼監察御史轉右補闕論斥權倖歷起

居郎侍御史出爲虢州長史復入爲太子中允代宗總師陝服委

以書奏之任由庫部郎出爲嘉州刺史杜鴻漸鎮西川表爲從事

以職方郎兼侍御史領幕職使罷流寓不還遂終於蜀有集八卷

參詩辭意清切迴拔孤秀多出佳境每一篇出人競傳寫比之吳

均何遜

書錄解題

張繼字懿孫襄州襄陽人登天寶進士第大曆末檢校祠部員外郎分掌財賦於洪州高仲武謂其累代詞伯秀發當時詩體清迥有道者風

文獻通考

戎昱荆南人至德中登進士第京兆尹李巒欲妻以女命改姓昱

拒之衛伯玉鎮荆南辟為從事建中時歷虔辰二州刺史有集三

卷萬姓統譜案江陵又有衛象大曆間詩人見唐詩紀事

繁知一稊歸人工詩白居易赴忠州刺史將至巫山知一題神女

祠壁云忠州刺史今才子行到巫山必有詩為報高唐神女道速

排雲雨候新祠居易見之邀知一至與之訂交而去

全唐詩歸州志

皮日休字逸少一字襲美襄陽人隱鹿門山自號醉吟先生咸通

八年登進士第嘗進書二通請以孟子為學科廢莊列之書有能

通孟子義者其科選同明經及以韓愈配享太學官至國子博士

志百五十一

人物二十九 文學傳

古

後寓蘇州與陸龜蒙為文友著文數十卷皮子三卷黃巢之亂入

會稽依錢氏仕越為太常博士卒子光業字文通美容儀善談論

錢武肅王辟置幕府賜進士及第仕至丞相諡貞敏著有皮氏聞

見錄次子光鄰官温州刺史孫榮官元帥府判官著有鹿門家鈔

詩詠五十卷三世皆以文名江東

北夢瑣言十國春秋案北夢瑣言以為襄州竟陵人者誤

新舊唐書地理志竟陵均屬復州襄州無竟陵縣也他書謂日休降巢為巢所殺陸游老學庵筆記辨證已明不必贅載

崔道融荆州人以徵辟為永嘉令果官右補闕唐末避地入閩自

號東甌散人有東浮集九卷申唐詩三卷

書錄解題申字據增

宋

朱昂字舉之江陵人好學有清節時朱遵度好讀書號朱萬卷目

昂為小萬卷昂嘗行經廬陵道遇異人謂之曰中原當有真主平

一天下子仕至四品安用南為遂北遊江淮時周世宗南征韓令